

玉合记

明·梅鼎祚

●第一出 标目

〔玉楼春〕〔末上〕画堂春色浓于酒，花插盈头杯到手。百年三万六千场，人世难逢开笑口。青天高朗闲搔首，眼底英雄谁更有？试歌垂柳觅章台，昔日青青今在否？

〔满庭芳〕才子韩翃，名姬柳氏，多情打得成双。参军出塞，鼙鼓起渔阳。暂向禅林寄迹，遭番将强逼专房。还朝后，香车绮陌，邂逅各沾裳。雄威看许俊，立时飞马，夺取孤凰。把当年玉合，再整新装。为问王孙侍女，重相会下界仙乡。章台咏，风流节侠，千古播词场。

李王孙仙游浊世，许中丞义合良缘。

柳夫人章台名擅，韩君平禁苑诗传。

●第二出 赠处

〔绕池游〕〔生韩君平唐巾服上〕云和日灿，
着眼春浓淡，展青幡玉田初暖。娇鸟华林，杂英芳
甸，尽行吟风流少年。

〔韩诗〕时辈已争先，书耽守太玄。绛纱儒
客帐，丹诀羽人篇。魏阙心犹恋，周才道岂捐？一
丘自无逸，三府会招贤。小生姓韩，名翊，字君平，
本贯邓州南阳人也。柴戟门墙，何止朱轮十乘；诗
书户牖，真看缥帙千函。自家穆穆天成，轩轩霞举。
幼叨文笔，抉二酉之珍藏；长学阴符，占六庚之害
气。一向来风花寄胜，婚宦无心。即今天宝十载，
正陆机入洛之年，应贾谊对廷之荐。暂违乡国，留
寓帝京。季布名高，楚人重百金之诺；君卿舌在，
汉世食五侯之鯖。这长安城中，有个李王孙，散财
结客，置驿邀宾，与小生契合云霞，游同山泽。屡
迁幸舍，不劳弹铗冯驩；信美他乡，颇似登楼王粲。
只他却不肯道出名来，也曾闻希知则贵，多管是有
托而逃。目下二月中旬，春和景丽，残梅洒雪，细

柳餐风，好约李王孙携他家乐，郊外一游。正是：
红笺色夺风流座，《白纈》词倾翰墨场。道犹未了，
王孙早到。（小生李王孙上））

〔前腔〕年光瞥换，草色青袍乱，问春在几家
庭院？〔生接合介〕游镰早办，好趁韶华半，愿岁
岁花前相见。

（〔见礼介，生〕年光遍原隰，〔小生〕春色
满汀洲。〔生〕飞轩结良驷，〔小生〕宝剑拥轻裘。
韩兄，花朝在迩，缙琯渐和，愿整游骖，一开吟兴。
〔生〕小生正有此心，至期敬当如约。李兄，君才
如干将莫邪，陆则破驷，水则歼蛟，能忘一割之司，
久作双函之秘？）

〔黄莺儿〕三尺字龙泉，影含星，气烛天，芙
蓉溢水精光变。（这时节那贵妃专宠，禄山擅兵，
眼见得天下将乱也。）妖狐在前，长蛇在边，五都
名价君当献。〔合〕问苍天，学成文武，遇主是何
年？

（〔小生〕韩兄，你雄谈非马，禅世雕龙，以

君之才，有如圭璧。须荐明堂清庙，可终怀宝迷邦？）

〔前腔〕双璧产荆山，望如虹，气吐烟，悠悠抱璞空流怨。（你看朝廷之上呵，）璠玑在轩，琼琚在悬，连城重价君当献。（合前）

（〔丑牵马上〕骏马绣障泥，红尘扑四蹄。归时何太晚？日照杏花西。启郎君，马在此了。（小生）韩兄，小生不惜千金，市得此马，你试一赏者。（生）是好马。那竹批双耳，镜夹方瞳。灭没权奇，追风蹶影。小生虽乏鸿章，敢扬骏骑。（小生）愿闻。（生读诗介）鸳鸯赭白齿新齐，晚日花中散碧蹄。玉勒乍回初喷沫，金鞭欲下不成嘶。（小生）佳作，佳作。马愧龙媒，诗称凤采。就捐匹练，代报双珠。（生）自非千里之材，何当太一之况！多谢了。小生今有此马呵，）

〔琥珀猫儿坠〕骄嘶喷沫，玉勒控金鞞。处处春风醉管弦，章台晚出半笼鞭。（合）翩翩，向绮陌陌香尘，拾取遗钿。

（〔小生〕韩兄，你如马斯良，与龙为友，但

愿早窥金马，入侍铜龙。）

〔前腔〕鸳鸯赭白，紫艳镜双悬。大宛龙驹汗血传，赠君快着祖生鞭。〔合〕翩翩，管万里横行，所向无前。

〔苍头，把这马送到韩相公厩中去。〔丑应介〕车马原堪共，金兰久定交。〔牵马下，净外众执乐器上〕）

〔六么令〕帝城春暖，看千红万紫争妍。传声御驾幸名园，排鹵簿，设宫悬。〔合〕太平时节天家宴。（〔生、小生〕你们那里去的？〔众〕我们是御前供奉人，皇帝爷与贵妃娘娘要往乐游园赏春，如今去教坊司点名哩。〔生、小生〕原来如此。〔众〕相公方便，我们去也。）太平时节天家宴。〔下。丑、末众执乐器上〕

〔前腔〕天街游衍，看千门万户争先。来朝相国出秦川，鸣鼓吹，闹喧阗。〔合〕太平时节侯家宴。（〔生、小生〕你们那里去的？〔众〕我们是杨相国家乐人。相国爷与诸姨们要游秦川，如今去

府中点名哩。（生、小生）却又如此！（众）相公自在，小人们别了。）太平时节侯家宴。（〔下。小生〕往年天子行幸，赐长安士民大酺三日。我们虽不得侍驾，也去游玩一番。（生）便是。）

蓬莱阙下是天家，上路新回白鼻裊。
急管昼催平乐酒，春衣夜宿杜陵花。

●第三出 怀春

〔祝英台近〕〔旦柳氏上〕柳笼烟，花蘸雨，春色已如许。〔贴轻蛾持妆盒上〕绣户罗帏，探取起还未。〔旦〕我待娇倩人扶，懒嗔人唤，〔合〕是何处流莺双语？

〔临江仙〕〔旦〕幽闺欲曙闻莺啭，红窗月影微明。好风频谢落花声，〔贴〕隔帏残烛，犹照绮屏筇。〔旦〕绣被锦裯眠玉暖，炷香斜袅烟轻。淡蛾羞敛不胜情，〔贴〕暗思闲梦，何处逐云行？

〔旦〕奴家柳氏，长安人也，从小养育在李生家。李生他本籍天潢，藏身地肺。交游任侠，声色自污。奴家生来二八，方且待年。长在绮罗，尽堪永日。轻蛾，我女侍数人，只有你粗通文义，颇识人情，却也那晓我心事来！〔贴〕姐姐，你朝云含笑，春旭扬辉。绕梁雅足清歌，长袖由来善舞。擗梅将及，夺花队之金篦；芳草堪怜，拾蘅皋之翠羽。有甚么心事来？〔旦〕我性厌繁华，情耽藻翰。合欢裁扇，班婕妤彤管齐名；素手缝裳，薛夜来神针可数。况

且我郎君暂称豪俊，每托仙游。咏《夭桃》虽则有时，叹匏瓜终当无匹。这些时日暖风恬，花明柳媚，好恼人的春色也！（贴）姐姐，曙色初高，晓妆久待，双鸾镜，九凤钗，写颊胭脂，拂眉螺黛，已都在此了。我看你星眸半掩，笑靥慵开，还像是春梦未醒哩。）

〔绵搭絮〕〔旦〕梦魂无赖，山枕印红腮。（对镜介）顾影徘徊，片玉寒生玉镜台。（贴）姐姐，拭纤埃，粉腻轻揩。则见你鬓云光绕，怕溜金钗。

〔旦〕待我把眉来重描一描。（贴）便做道翠黛重描，那两道春愁扫不开。（旦）我有甚春愁扫不开？

（〔贴〕姐姐治妆已毕，那杏子衫、茱萸带、凌波罗袜、镂麝金裙，已都在此了。可试穿一穿。）

〔前腔〕冰纨舒彩，巧趁身裁。画约香煤，拂袖花浓误蝶来。（〔旦〕我且下阶行行，看可好么。）步瑶阶，浅印苍苔，则见那一钩罗袜，半露弓鞋。

（〔贴〕姐姐，你带围宽了些。）〔旦〕便做道锦带围宽，我半点春心锁不开。（贴）你半点春愁锁

不开！

（〔旦〕轻蛾，那画阑干外簇簇摇摇的，甚么东西？〔贴〕这是云影和那花阴。）

〔前腔〕〔旦〕花阴云霭，翠影斜筛，眼慢惊回，几度风摇却暗猜。（〔贴〕这豆蔻花就是我姐姐。）嫩红催，豆蔻含胎。（我近来弦管都生疏了。）为甚的满床丝竹，月冷烟埋？〔旦〕消受那一种闲情，把门掩梨花昼不开。（贴开门介）你门掩梨花且半开。

（姐姐，这两日不到门前，那银塘上草都青了。且随你步几步去。）

〔前腔〕王孙空待，草遍天涯，紫陌青台，风暖银塘绿绉回。（旦整髻倚贴，贴扶介）髻儿歪，忽地相挨。这的是昼长人静，不奈幽怀。（贴）姐姐，几时得玉管偷香，把孔雀金屏选日开？（〔旦〕我便是李家人了，）那望金屏选日开！

（天色薄暮，且与你回绣阁去者。）

细树含残影，深闺散晚香。

羞令白日暮，车马郁相望。

●第四出 宸游

〔集唐〕〔末高内侍上〕天子春游动地来，
黄金瑞榜绛河隈。微臣昔忝方明御，长命先添献寿杯。
自家唐朝内使高力士的便是。本冯盎之曾孙，
冒延福之养子。幼经给事今上皇帝，佐平中难，启
属内坊，累功做到右监门卫将军。只今画霖悬鱼，
朱扉施马。殿头供奉，名挂著紫微垣中；班首传宣，
位列在黄门郎上。说起今上，是神尧皇帝五代玄孙。
践祚三十余载，朔更天宝，讳曰隆基。武戢圣功，
一怒风霆迅扫；文成睿藻，片言云汉昭回。试看万
国咸宾，平尧柳，通舜梧，梯山航海；若问四灵毕
至，献玉环，出银瓮，援契应图。况兼那天纵多能
李三郎风流得数，合配这春生百媚杨太真秀色可餐。
他果然降自瑶台，却好的贮来金屋。神光离合，灿
灿灿，乍阴乍阳的五采并驰；骨法秣纤，闪闪烁
烁，似远似近的万方希见。怎显得名花倾国？沉香
亭北，一枝芍药露华浓。曾说个宿酒凝妆，宝镜台
前，并蒂海棠春睡足。播羯鼓，拨琵琶，调弦弄管，

靡靡新声，又何减神童抚瑟，皇娥宴戏穷桑？斗百草，盘五木，蹴鞠弹棋，纤纤曲伎，却一似天帝投壶，玉女{殴口}嘘闪电。更有那马仙期、李龟年、张野狐、贺怀智，宜春苑嘈嘈杂杂，雍雍肃肃，奏九成威凤来仪；千尺竿、半仙戏、衔杯马、距芥鸡，长秋宫亭亭袅袅，玲玲珑珑，呈百戏游龙角抵。有时节六辔巡游，步辇飞轮，天回地转，听历历碌碌，空中抛下阿香车；近日来五家分队，明妆袿服，云簇霞鲜，看的的雾雾，河边织出天孙锦。红尘奔一骑，六宫争笑，无人知道荔枝；清夜发明驼，千里兼程，有使私遗瑞脑。云开需宴，愿陛下永固南山，亿万岁遥承露掌；雷占豫乐，祈海内常依北斗，三千界尽上春台。今日花朝之日，圣上同着贵妃娘娘有幸曲江。闻得杨国舅和那虢国夫人们也去游赏，敢或者中道相逢，又不知几多恩泽。正是：男不封侯女作妃，君看女却是门楣。幸愿一生同草树，年年岁岁乐于斯。道犹未了，只见有两个宫娥笑嘻嘻走将来，却是怎的？〔净、丑宫女上〕）

〔字字双〕〔净〕调脂弄粉学宫妆，〔丑〕娇养。〔净〕扫地金莲尺八长，〔丑〕加两。〔净〕寻来个内监摸空汤，〔丑〕不长。〔净〕好风掀起绣裙香，〔丑〕白麝。

（〔末收介〕此时对雪遥相忆，这不是白想。〔净〕你想起我们来，我们也多想你几想。我就要一个红想。〔末〕梦为蝴蝶也寻花，这不是红想？〔丑〕我要一个黑想。〔末〕月隐青林人未归，这不是黑想？〔丑〕我要一个黄想。〔末〕丛菊两开他日泪，这不是黄想？〔丑〕我要一个绿想。〔末〕不堪芳草思王孙，这不是绿想？〔丑〕我要一个青想。〔末〕柳色如今深未深，这不是青想？〔丑〕我要一个紫想。〔末〕遍插茱萸少一人，这不是紫想？〔净〕我曾伏事娘娘诵佛经，记得两句，就要一个非想。〔末〕庭花含笑似无情，这不是非想？〔净〕我要一个非非想。〔末〕半是思郎半恨郎，这不是非非想？〔净〕我要一个非非非想。〔末〕野人心地都无著，这不是非非非想？〔丑〕我要一

个非非非非想。〔末〕诨不过三。〔净〕着手毕竟吃我们想倒了。〔末〕宫娥，御驾今日游春，此时贵妃娘娘像还未动身，你道皇上如何却这般宠他？

〔净〕高公公，怪他不得。去年重阳，我随去绣岭宫登高，娘娘醉了，我也就戴他在头上哩。〔末〕调谎。娘娘若醉了，好少人扶？你怎么戴在头上得？

〔丑〕听他扯淡！他折得一枝醉杨妃菊花，戴在头上，说是娘娘一般。〔末〕这算不得。美人半醉朱颜酡。〔丑〕我前几日春色困人，略与娘娘睡一睡，委的是好。〔末〕一发胡柴！娘娘如何与你睡？〔净〕他赖风月，前日在御几上偷得本郭舍人壶谱，投了个杨妃春睡，就说是娘娘一般。〔末〕只好道当时求梦不曾眠。呀，隐隐的闻得跽声，想是圣驾来了。我在此伺候，你们且速避去。〔净丑下，小生明皇，小黄门引上〕）

〔女冠子〕金宫玉沼，祥云丽日初韶。绛阙神霄，黄图光运，紫霞觞里，升平新调。〔小旦贵妃，宫女引上〕稀闻清漏报，歹带人锦帐留春，辘轳传

晓。〔末引众跪介〕试宸游趁早，莫待南陌莺残，上林花老。

〔行礼介〕〔小重山〕〔小生〕春入神京万木芳，禁林莺语滑，蝶飞忙。〔小旦〕晓桃凝露妒啼妆，红日永，风和百花香。〔末〕烟锁柳丝长，御沟澄碧水，转池塘。时时微雨洗风光，〔合〕天衢远，到处引笙簧。〔小生〕妃子，朕与卿玉琯方调，金环有序，臣民欢忭，夷夏宴安。遇此月夕花晨，正好天行云从。〔小旦〕臣妾职在当熊，容非落雁。金符宝册，多惭象月称尊；霓裳羽衣，略配归风送远。愿同牛女，永莫参商。〔末进花介〕百花院采得千叶绯桃进献。〔小生〕妃子，此花既可消恨，又足助娇，何止萱草忘忧钵罗善笑。朕与你亲戴者。〔簪花介，末〕奴婢奏上：早已传旨，銮驾司列仗，光禄寺排筵，金吾卫清道，宜春苑演乐，俱各齐备。〔小生〕启驾前行。〔行介，众合〕

〔好事近〕缥缈五云高，万点龙鳞飞耀。〔内呼万岁介，小生〕金吾官，不得惊动都人，由他瞻

仰。)〔众应介〕翠华临幸，都人共瞻天表。攀花
践草辘宫车，处处雷霆绕。(〔小生〕高力士传旨：
到曲江南苑去。〔末〕领旨。)〔传介〕御离宫汉
寝椒涂，开别院曲江蓬岛。(众下。净杨国忠、旦
贴虢国秦国夫人众引上。合)

〔前腔〕神皋，丽色破花朝，尽游处绮薄珠丛
春早。(〔净〕奴客们，俺们五家，每家一队，不
要混杂。)〔应介〕笼丝串辔，都来五家争巧。风
流队里簇歌尘，暗杂衣香袅。(〔净〕那一片绿的
是何处？〔众〕是秦川。)望函关紫气经天，对秦
川绿波萦绕。(下。小生、小旦众上)

〔千秋岁〕护妖韶，匝路春先到，一片片红凝
青了。凤吹鸾舆，凤吹鸾舆，隐约那半面芙蓉花貌。
《霓裳》奏，云光耀，海棠醉香魂轻俏。并辇招摇，
好似鸳鸯碧沼，翡翠兰苕。(下。净、旦、贴众上)

〔前腔〕索春饶，看掩映长杨道，急穰穰来去
多少。百宝阑前，百宝阑前，争窥翠[2010]红渠光
照。花心动，黄蜂闹，草色引青骢频跃。绮宴醒犹